



სსიპ „სასწრაფო სამედიცინო დახმარების ცენტრი“-ს მიერ
მედიკამენტების შესყიდვის
ელექტრონული ტენდერი **აუქციონის გარეშე,**

სატენდერო დოკუმენტაცია
33661000 - პრეპარატები ნერვული სისტემისათვის

დაფინანსების წყარო: ადგილობრივი ბიუჯეტი;

სავარაუდო ღირებულება: 123450.00 (ას ოცდა სამი ათას ოთხას ორმოცდაათი) ლარი.

სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის მე-12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე

თბილისი - 2017 წელი

სარჩევი

1. ინსტრუქცია ტენდერში მონაწილეთათვის.....	3
2. შესყიდვის ობიექტის ტექნიკური დავალება	4-5
3. სახელმწიფო შესყიდვის შესახებ ხელშეკრულების პროექტი.....	6-9
4. დამატებითი ინფორმაცია.....	10
5. დანართი N1 „ფასების ცხრილი“	11
6. დანართი N2 (რეკვიზიტები).....	12

1. ინსტრუქცია ტენდერში მონაწილეთათვის

- 1.1. სახელმწიფო შესყიდვა ტარდება სახელმწიფო შესყიდვების ერთიანი ელექტრონულ სისტემაში (შემდგომში - სისტემა).
- 1.2. სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებულ „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულებების დადების მომენტისათვის დაზუსტდება სატენდერო წინადადების შესაბამისად.
- 1.7. პრედენდენტს არა აქვს უფლება წარმოადგინოს ალტერნატიული წინადადება.

2. შესყიდვის ობიექტის ტექნიკური დავალება:

2.1. შესყიდვის ობიექტი:

N	CPV	საერთაშორისო არაპატენტირებული დასახელება	მახასიათებლები	შენახვის პირობები	რაოდენობა	განზომილება
1	33661000	Metamizole sodium 50% 2ml.	საინექციო ხსნარი ინტრავენური და ინტრამუსკულარული მოხმარებისთვის	ქვედა ზღვარი: არაუმეტეს 1°C, ზედა ზღვარი: არანაკლებ 29°C	120,000	ამპულა
2	33661000	α-bromisovalerian acid_ 8.2mg.+ Phenobarbital 7.5mg. + Menthe oil_ 0.58mg. ან მისი ექვივალენტი	ტაბლეტი	ქვედა ზღვარი: არაუმეტეს 1°C, ზედა ზღვარი: არანაკლებ 24°C	185,000	აბი
3	33661000	Naloxone 0,4mg/ml 1ml.	საინექციო ხსნარი ინტრავენური და ინტრამუსკულარული მოხმარებისთვის	ქვედა ზღვარი: არაუმეტეს 15°C, ზედა ზღვარი: არანაკლებ 24°C	1,000	ამპულა
4	33661000	Paracetamol 125mg.	რექტალური სუპოზიტორია	ქვედა ზღვარი: არაუმეტეს 1°C, ზედა ზღვარი: არანაკლებ 24°C	3,000	ცალი
5	33661000	Ketorolac 30mg/ml 1ml	საინექციო ხსნარი ინტრავენური და ინტრამუსკულარული მოხმარებისთვის	ქვედა ზღვარი: არაუმეტეს 1°C, ზედა ზღვარი: არანაკლებ 24°C	160,000	ამპულა
6	33661000	Paracetamol 500mg.	ტაბლეტი		6,000	აბი
7	33661000	Metamizole sodium 500mg.+ Pitofenone 2mg. + Fenpiverinium bromide 0,02mg 5ml.	საინექციო ხსნარი	ქვედა ზღვარი: არაუმეტეს 1°C, ზედა ზღვარი: არანაკლებ 24°C	34,000	ამპულა

შენიშვნა: შემოთავაზებული მედიკამენტების ამპულებს უნდა აღენიშნებოდეს გატეხვის წერტილი, წინააღმდეგ შემთხვევაში მედიკამენტის შეფუთვის კოლოფს თან უნდა ახლდეს ამპულის საჭრელი

3. სავალდებულო მოთხოვნა

3.1 მიწოდების მომენტში მედიკამენტები უნდა იყოს რეგისტრირებული და ნებადართული საქართველოს მოქმედი კანონმდებლობით.
 3.2 პრეტენდენტმა **შესყიდვის ობიექტის N3; N4; პოზიციებზე** უნდა წარმოადგინოს ფარმაცევტული პროდუქტი, რეგისტრირებული საქართველოს მთავრობის 2009 წლის 22 ოქტომბრის #188 დადგენილების დანართში აღნიშნული ქვეყნების ფარმაცევტული პროდუქტების მარეგულირებელი სახელმწიფო ორგანოების მიერ ან/და წარმოდგენილი უნდა იყოს ფარმაცევტული პროდუქტის სერთიფიკატი (CPP) გაცემული საქართველოს მთავრობის 2009 წლის 22 ოქტომბრის #188 დადგენილების დანართში აღნიშნული ქვეყნების ფარმაცევტული პროდუქტის მარეგულირებელი სახელმწიფო ორგანოების მიერ.

შენიშვნა: ყველგან სადაც კი მითითებულია სავაჭრო ნიშანი, ფირმა ან მოდელი იგულისხმება „მსგავსი“ ან „ექვივალენტური“.

4. საქონლის ვარგისობის ვადა, მიწოდების ვადა, ადგილი და პირობები

4.1 მოსაწოდებელი „საქონლის“ (მედიკამენტების) ვარგისობის ვადა უნდა იყოს არანაკლებ 14 თვე მიწოდების მომენტიდან.

4.2 თუ, რომელიმე პოზიციაზე, მედიკამენტის ვარგისიანობის ვადა, მისი სპეციფიკიდან გამომდინარე, არის 1 წელზე ნაკლები, პრეტენდენტი ვალდებულია ტექნიკური დოკუმენტაციასთან ერთად წარმოადგინოს აღნიშნული ინფორმაცია. ამ შემთხვევაში მიწოდებული საქონლის ვარგისიანობის ვადა უნდა იყოს მთლიანი ვადის არანაკლებ 70% მიწოდების დღისთვის.

4.3 ხელშეკრულების მოქმედების პერიოდში, თუ რომელიმე პოზიციის ვარგისიანობის ვადა არ დააკმაყოფილებს ზემოაღნიშნულ მოთხოვნას, მიმწოდებლისგან წარმოდგენილი დასაბუთებული ინფორმაციის საფუძველზე, შემსყიდველი უფლებამოსილია შეისყიდოს ბაზარზე იმ მომენტისთვის არსებული მაქსიმალური ვადის მქონე პრეპარატი, ცენტრის შეუფერხებელი ფუნქციონირებისათვის საჭირო რაოდენობით.

4.4 საქონლის მიწოდების ვადაა ხელშეკრულების გაფორმებიდან 2017 წლის 20 დეკემბრის ჩათვლით. მოწოდება უნდა განხორციელდეს ეტაპობრივად, შემსყიდველის კონკრეტული რაოდენობისა და დასახელების მედიკამენტის მოთხოვნიდან - 48 საათის განმავლობაში. (მოთხოვნა შესაძლებელია დაფიქსირდეს ელექტრონული ფოსტის საშუალებით, რომელიც ჩაითვლება ოფიციალურ შეტყობინებად).

4.5 საქონლის მიწოდების ადგილი: თბილისი ქერჩის ქ. N8.

4.6 ხელშეკრულების მოქმედების პერიოდში, მხარეების შეთანხმების საფუძველზე, შეიძლება შიდაცვალს (გაიზარდოს ან შემცირდეს) მითითებული სავარაუდო რაოდენობები ხელშეკრულების ღირებულების ფარგლებში.

4.7 შემსყიდველი უფლებამოსილია, სრულად არ აითვისოს ხელშეკრულებით გათვალისწინებული შესყიდვის ობიექტის ოდენობა.

5. მიღება-ჩაბარების გაფორმების წესი

5.1. მიწოდებულ საქონელზე ფორმდება მიღება-ჩაბარების აქტი წერილობითი ფორმით, ორივე მხარის უფლებამოსილი წარმომადგენლების ხელმოწერით.

6. ანგარიშსწორების პირობები

6.1. ანგარიშსწორება მოხდება უნაღდო ანგარისწორებით ლარში.

6.2. ანგარიშსწორება მოხდება ეტაპობრივად, მიღება-ჩაბარების აქტისა და შესაბამისი საგადასახადო დოკუმენტაციის წარდგენის საფუძველზე 10 (ათი) სამუშაო დღის ვადაში.

6.3. საავანსო ანგარიშსწორება არ გამოიყენება.

7. ფასები

7.1 პრეტენდენტმა უნდა წარმოადგინოს ფასების ცხრილი დანართი N1-ის მიხედვით.

7.2 პრეტენდენტის მიერ წარმოდგენილ ფასების ცხრილში ერთეულის ფასი მოცემული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით.

7.3 თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს შესაბამისად, შესაბამისად, შეამციროს საერთო ფასიც.

7.4 იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით და მეტით დაბალია შესყიდვის ობიექტის სავარაუდო ღირებულებაზე, მიმწოდებელი ვალდებულია შემსყიდველის მოთხოვნიდან 3 (სამი) სამუშაო დღეში დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა. ფასწარმოქმნის ადეკვატურობა შესაძლებელია დასაბუთდეს საექსპერტი, აუდიტორული ან/და საშემფასებლო დასკვნით (დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტის ასლი). პრეტენდენტის მიერ წარმოდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

8. პრეტენდენტის მიერ სისტემაში ასატვირთი მონაცემები

8.1 სრულყოფილად შევსებული „ფასების ცხრილი“ დანართი N1-ის შესაბამისად (სავალდებულოა ყველა ველის შევსება);

8.2 „რეკვიზიტები“ დანართი N2-ის შესაბამისად;

9. სახელმწიფო შესყიდვის შესახებ ხელშეკრულების პროექტი
/ხელშეკრულების პირობები დაზუსტდება გამარჯვებულ კომპანიასთან/
ხელშეკრულება სახელმწიფო შესყიდვის შესახებ №

ქ. თბილისი

„___“ _____ 2017 წ.

ერთი მხრივ, **სსიპ „სასწრაფო სამედიცინო დახმარების ცენტრი“** წარმოდგენილი - მისი დირექტორის _____ სახით (შემდგომში „შემსყიდველი“) და მეორე მხრივ _____ წარმოდგენილი მისი დირექტორის _____ სახით (შემდგომში „მიმწოდებელი“) მოქმედი კანონმდებლობის შესაბამისად, სატენდერო დოკუმენტაციისა და მიმწოდებლის სატენდერო წინადადების საფუძველზე, _____ ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

1. ხელშეკრულების საგანი

- 1.1. შესყიდვის ობიექტს წარმოადგენს **პრეპარატები ნერვული სისტემისათვის** - CPV კოდი: 33661000;
- 1.2. შესყიდვის ობიექტის დეტალური აღწერა და პირობები მოცემულია სატენდერო დოკუმენტაციაში, რომელიც წარმოადგენს ამ ხელშეკრულების განუყოფელ ნაწილს.
- 1.3. შესყიდვის ობიექტის მახასიათებლები მოცემულია ხელშეკრულების დანართ N1-ში, რომელიც წარმოადგენს ამ ხელშეკრულების განუყოფელ ნაწილს.

2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს: _____ **ლარს.**
- 2.2. შესყიდვის ობიექტის ერთეულის ღირებულება განსაზღვრულია დანართი N1-ით.
- 2.3. ხელშეკრულების ჯამური ღირებულება მოიცავს ყველა გადასახადს, რომელიც მოქმედი კანონმდებლობით ეკისრება მიმწოდებელს.

3. შესყიდვის ობიექტის მიწოდების ადგილი და ვადა

- 3.1. შესყიდვის ობიექტის მიწოდების საბოლოო ვადაა 2017 წლის 20 დეკემბერი.
- 3.2. შესყიდვის მიწოდება უნდა განხორციელდეს ეტაპობრივად, შემსყიდველის კონკრეტული რაოდენობისა და დასახელების მედიკამენტის მოთხოვნიდან - 48 საათის განმავლობაში. (მოთხოვნა შესაძლებელია დაფიქსირდეს ელექტრონული ფოსტის საშუალებით, რომელიც ჩაითვლება ოფიციალურ შეტყობინებად).
- 3.3. შესყიდვის ობიექტის მიწოდების ადგილია თბილისი, ქერჩის ქ. N8
- 3.4. **შემსყიდველი იტოვებს უფლებას, სრულად არ აითვისოს ხელშეკრულებით გათვალისწინებული შესყიდვის ობიექტის ოდენობა.**

4. შესყიდვის ობიექტის მიღება-ჩაბარების წესი

- 4.1. შესყიდვის ობიექტი მიღებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდეგ.
- 4.2. შესყიდვის ობიექტის მიღება-ჩაბარება განხორციელდება ფაქტობრივად მიწოდებულ შესყიდვის ობიექტზე, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 4.3. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს **სსიპ „სასწრაფო სამედიცინო დახმარების ცენტრის“ მატერიალურ-ტექნიკური უზრუნველყოფის სამსახურის უფროსი და სამედიცინო აღჭურვილობის მართვის განყოფილების უფროსი.**

5. ანგარიშსწორება

- 5.1. მიმწოდებელთან ანგარიშსწორება განხორციელდება უნაღდო ანგარიშსწორებით ეროვნულ ვალუტაში.
- 5.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი.
- 5.3. მიმწოდებელთან ანგარიშსწორება განხორციელდება ეტაპობრივად, მიღება-ჩაბარების აქტის გაფორმებიდან 10 (ათი) სამუშაო დღის ვადაში;
- 5.4. საავანსო ანგარიშსწორების მექანიზმი არ გამოიყენება.

6. ხელშეკრულების მოქმედების ვადა

- 6.1. წინამდებარე ხელშეკრულება ძალაშია ხელშეკრულების გაფორმების თარიღიდან და მოქმედებს 2018 წლის _____ იანვრის ჩათვლით.

7. მხარეთა უფლება-მოვალეობები

7.1. შემსყიდველის უფლება აქვს:

- 7.1.1. შეამოწმოს შესყიდვის მახასიათებლების შესაბამისობა ხელშეკრულებით გათვალისწინებულ პირობებთან;
- 7.1.2. რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებლივ გამოსწორება;
- 7.1.3. მოითხოვოს მიმწოდებლისგან ხელშეკრულების ჯეროვანი, დროული და კეთილსინდისიერი შესრულება.

7.2. შემსყიდველი ვალდებულია:

- 7.2.3. უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად;
- 7.3.1. დაიცვას ხელშეკრულებით გათვალისწინებული პირობები.

7.4. მიმწოდებელს უფლება აქვს მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

7.5. მიმწოდებელი ვალდებულია:

- 7.5.1. უზრუნველყოს ხელშეკრულების პირობების შესრულება;

8. ხელშეკრულების შესრულების კონტროლი (ინსპექტირება)

- 8.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს მონიტორინგი მიმწოდებლის მიერ ნაკისრი ვალდებულებების შესრულების მიმდინარეობაზე. კონტრაქტით გათვალისწინებული შესყიდვის ობიექტის მიწოდების მიმდინარეობის კონტროლს ახორციელებს შემსყიდველი ორგანიზაციის მატერიალურ-ტექნიკური უზრუნველყოფის სამსახურის უფროსი და სამედიცინო აღჭურვილობის მართვის განყოფილების უფროსი.

- 8.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

- 8.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

- 8.4. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

- 8.5. შესყიდვის ობიექტის მიწოდება/მონტაჟსა და მომსახურების გაწევის მიმდინარეობაზე შემსყიდველი აწარმოებს მონიტორინგს თანახმად ამ ხელშეკრულების 8.1. პუნქტისა, რომელთა დარღვევის შემთხვევაში შემსყიდველი უფლებამოსილია შეაჩეროს საქონლის მიწოდების მიმდინარეობა და განახორციელოს ამ ხელშეკრულებით და კანონმდებლობით გათვალისწინებული სანქციები.

9. ხელშეკრულებაში ცვლილებების შეტანა

- 9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

- 9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

- 9.3. წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღრებულება ან შემსყიდველისათვის უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

- 9.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

- 9.5. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. სუბკონტრაქტორები

- 10.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკებების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

- 10.2. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

- 10.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

11. ხელშეკრულების პირობების შეუსრულებლობა

- 11.1. ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 20%-ის ოდენობით, ხოლო ვალდებულების ნაწილის შეუსრულებლობის

შემთხვევაში-ვალდებულების შეუსრულებელი ნაწილის 10%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ნაწილის 0.02%-ის ოდენობით.

- 11.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, მხარეებს უფლება აქვს ცალმხრივად შეწყვიტონ ხელშეკრულება.
- 11.3. საჯარიმო სანქციის გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

- 12.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
- 12.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
- 12.1.2. თუ მიმწოდებელს არ შეუძლია შესრულოს ხელშეკრულებით გათვალისწინებული, რომელიმე ვალდებულება.
- 12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 12.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 12.3.1. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 12.3.2. მიმწოდებლის გაკოტრების შემთხვევაში;
- 12.3.3. თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
- 12.3.4. საქართველოს კანონმდებლობით გათვალისწინებულ სხვა შემთხვევებში.
- 12.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

13. ფორს-მაჟორი

- 13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 13.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

- 14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 14.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს ან აღსრულების ეროვნულ ბიუროს თუ ხელშეკრულებაში სხვა რამ არ არის გათვალისწინებული.

15. შეტყობინება

- 15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 15.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. სხვა პირობები

- 16.1.** არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 16.2.** მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 16.3.** ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 16.4.** წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი
სსიპ „სასწრაფო სამედიცინო
დახმარების ცენტრი“

მიმწოდებელი

10. დამატებითი ინფორმაცია:

10.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, მის: ქერჩის ქ. N8, მე-3 სართული.

საკონტაქტო პირები:

თიკო მაჭავარიანი ტელ: 598 88 88 08 / 322 54 70 99 (1019) ელ.ფოსტა T.machavariani0107@gmail.com/tmachavariani@ambulance.ge

დავით ბარაბაძე ტელ: 591 05 06 07/ელ.ფოსტა dbarabadze@ambulance.ge

ფასების ცხრილი

N	შემოთავაზებული მედიკამენტის დასახელება	საერთაშორისო არაპატენტირებული დასახელება/მახასიათე ბლები	წარმოშობის ქვეყანა/მწარმო ებელი ფირმა	შენახვის პირობები	რაოდენობა	განზომილება	ერთეულის ფასი (ლარი)	მოლიანი ღირებულება (ლარი)
1	2	3	4	5	7	8	9	10
1					120,000	ამპულა		
2					185,000	აბი		
3					1,000	ამპულა		
4					3,000	ცალი		
5					160,000	ამპულა		
6					6,000	აბი		
7					34,000	ამპულა		

საქონლის მიწოდების ვადა	
საქონლის მიწოდების ადგილი	
ვარგისობის ვადა	

შენიშვნა: ყველა ველის შევსება

სავალდებულოა, ასევე მედიკამენტის ერთეულის ფასი წარმოდგენილი უნდა იყოს მაგ: ტაბლეტი, ამპულა და ა.შ. მითითებით (და არა კოლოფი, შეკვრა, N5; N10; N20 და ა.შ.)

სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი _____

პრეტენდენტის ხელმოწერა _____

და ბეჭედი

რეკვიზიტები:

- ✓ პრეტენდენტის იურიდიული ფორმა და დასახელება:
- ✓ ხელმძღვანელის სახელი და გვარი:
- ✓ პრეტენდენტის იურიდიული ან/და ფაქტიური მისამართი:
- ✓ საიდენტიფიკაციო კოდი:
- ✓ პრეტენდენტის ტელეფონის ნომერი:
- ✓ ელექტრონული მისამართი:
- ✓ ბანკი:
- ✓ ბანკის კოდი:
- ✓ ანგარიშის ნომერი:

პრეტენდენტის ხელმოწერა _____
და ბეჭედი